



195.

Ll 18024

H A R A N G V E S

PRONONCEES DEVANT

le Roy en la salle de Bourbon à l'ouverture des Estats generaux tenus à Paris , en l'année mil six cens quatorze.

(Estats Generaux)

(Pour St Pierre)

M. D. C. X V.

Case

F

39

326

THE NEWBERRY
LIBRARY

1615/Don



HARANGVE A V ROY.

Par le Baron du Pont S. Pierre pour la Noblesse.

SIRE,

Les plus grands personnages de l'antiquité ont tousiours eu à si grand estime, & telle reuerence la grandeur del'auctorité Royale, que plusieurs d'entreux, n'ont pas creu que les Roys feussent de la cōmunetrempeaux autres hommes: mais que comme petits Dieux sur terre, ils comman-

A ij

doient, & regentoient ce bas monde, par vne puissance dependante seulement de la Majesté souueraine. Les Iuges dirent vne fois à Cambises Roy de Perse, qu'il y auoit vne ordonnance qui portoit que les Roys pouuoient faire tout ce que bõ leur sembloit sans crainte de faire iamais iniustice, & ce (disoient-ils) d'autant que la puissance de laquelle ils se seruent pour commander, deffendre, enioindre, interdire est toute la raison & la sagesse de Dieu. Et les Romains semblent auoir eu mesme creāce, puis que parmi eux il y auoit vne loy qui portoit deffence de creer aucū Magistrat, pendant que le Di-

Etateur qui de plus pres repre-
 sentoit la personne Royale,
 estoit en charge, lequel n'auoit
 aucun besoing du conseil d'au-
 truy puis que la Iustice estoit
 sa fidelle compagnie qui ne luy
 manquoit iamais en temps de
 necessité. Vostre Noblesse Sire,
 qui à l'honneur d'estre com-
 mādée du plus puisāt Monar-
 que, qui soit sur la terre, n'a pas
 moindre opinion de sa Royal-
 le grandeur, elle sçait que vous
 auez receu l'auctorité de Dieu,
 en degré Souuerain, puis que
 c'est par participation de la Di-
 ne puissance, elle se souuient
 que les trois marches qui rele-
 uēt, le plus vn Throsne Royal,
 la Majesté, la force, & la sagesse,

ont esté enuoyées du Ciel au premier Roy Chrestien, qui posseda le Septre François, dōt la Majesté, paroist és Fleurs de lys venus d'en haut, la force en l'oriflame enuoyee du Ciel, & la sagesse en l'huylle de la Sainte Ampoufle, portée ça bas) comme l'on croit) par les Anges. Elle vous recognoist pour le tres-digne fils du troys fois grand Monarque Henry le grand (d'immortelle memoire) lequel par droit de succession, hereditaire, & (si ie l'ose dire) de iuste conqueste s'est assubiecty ce vostre peuple François qui s'est tenu fort heureux apres son extresme malheur de pouuoir viure, ou plustost re-

uiure foubz les loix, de vofre
obeiffance, lors mefme que vo-
ftre petit âge vous oſtoit le
moyen de pouuoir comman-
der, & a l'imitation du Roy,
Sapor qui en recognoiſſance des
merites du pere fuſt couronné,
dans le vêtre de la mere, il vous
à rendu l'hommage, quaſi des
le berceau qu'il eſpere conti-
nuer de temps en temps & de
bien en mieux iufques à la fin,
porté à cela & par la recognoiſ-
ſance de ſon debuoir, & par le
reſentiment qu'il a de vofre
extrefme bōté qui luy permet
de ſ'aſſembler aujourd'huy en
trois eſtats, pour apres auoir
fermé les cayers de ſes plainctes
vous representer en toute liber.

té, les doleances & descouurer
 les playes: vous faictes en cela
 Sire, comme le Soleil, aussi en-
 estes vous l'image puis que
 vous donnez la clarté aux au-
 tres planettes obscures sans
 vous, lequel plus il est haut en
 son s'olstiffe esleué de nostre
 horison, il va lentement en sa
 cource, és deliberations im-
 portâtes, il faut se haster lente-
 mēt, disoit quelq'vn & c'estoit
 l'opinion d'un sage antien qui
 tenoit les Roys plus recom-
 mandables, ceux qui bien que
 sages ne se seruoient iamais de
 leur seul aduis au manimēt des
 affaires de consequence. De
 cet aduis estoit aussi ce Roy de-
 parthes, qui premier institua
 les

les Ephores , lequel reueu en
 sa maison trouua sa femme qui
 grondoit luy reprochant qu'il
 auoit diuisé l'Empire , non ay
 (dit-il plus clair voyāt,) au con-
 traire ayāt faict part de mes cō-
 seils a mes subiects ie croys a-
 uoir affermy mō Estat, Les Ma-
 ges antiennement attachoient
 4. petits oyseaux, dans les Pa-
 lais des Roys de Babilone qu'ils
 appelloient l'angues des dieux,
 par ce qu'ils croyoient qu'ils
 auoient la force d'esmouuoir
 les cœurs des subiects , au serui-
 ce des Princes. Au lieu des qua-
 tre en voicy Sire, trois, repre-
 sentez par ces trois Estats , as-
 sēblez en vostre Palais de Iusti-
 ce, qui à beaucoup meilleur tit-

tre qu'eux, peuuent estre appellez les langues des Dieux, puis-que la voix du peuple est ordinairement sa voix mesme; de ces trois se compose le corps de ceste assemblée generale, la plus Auguste, la plus conuenable & la plus vtile, qui ayt iamais esté conuocquee par aucun de vos predecesseurs Rois, de puis l'establissement de ceste puissante Monarchie, Auguste, d'autant que l'ouuerture d'icelle se remonstrant par vostre ordonnance avec elle de v. maiorité, il aduiēt heureusement, que des l'entree de vostre gouuernement vous, vous faictes paroistre (sans quel'aage y mettre obstacle) le pere de V.

peuple. Conuenable, en ce que
 apres auoir remercié v. M. tres-
 hūblement de l'honneur, qu'el-
 le nous à fait de nous conuoc-
 quer en ce lieu pour les causes
 susdites, le moiē no^r est ouuert
 de remercier tres. humblement
 la Royne V. mere nostre tres-
 honoree Dame, à luy rendre
 mille actions de graces, qui luy
 sōt deuës, pour auoir si prudē-
 ment, si iustement, & si digne-
 ment gouuerné cest Estat, du-
 rant v. minorité. Nous le fai-
 sons donc (Madame) & bien
 que se soit avec toute la portee
 de nos esprits, & toute l'esten-
 duë de nos affections nous ad-
 uoüons toutesfois librement,
 & confessons hautement, que

ce n'est rien au prix de vos infinis merites & des extresmes obligations que nous vous auons; vous estes Madame ceste seconde Royne Blanche, mere de S. Louys, qui par vostre prudence, & tres-sage conduite vous estes sçeu si dignemēt, acquitter de la Regence, qui vous auoit esté commise que vous auez meritē comme elle, d'estre nommée sans contredit la plus sage Princesse de vostre siecle. Vous estes ceste autre Amalazonthe tant renommée, dans les Histoires, pour auoir si heureusemēt conserué le Sceptre à son fils, vous auez fait le mesme Madame, & ces Fleurs de lys, qui vous auoient esté

baillees comme en depost, n'ot
 point fleury en vos Royalles
 mains, vous les rendistes l'autre
 iour aussi fresches, & aussi ver-
 doyantes qu'ils furent iamais
 Sire, nous tressaillons d'aïse,
 quand nous nous souuenons,
 qu'à l'exemple de ce Roy des
 Gethes, duquelle premier Cō-
 seillers'appelloit Dieu, V. M.,
 à sceu si bien rencontrer, que
 de choisir pour Chef de son
 cōseil ceste seconde deesse, puis-
 siez vous heureusement & lōg-
 temps suiure ses Saincts & sa-
 lutaires aduis, se souhait que
 nous vous faisons tend grande-
 ment à nostre opinion, au bien
 de tout la France. Le conten-
 tement que i'ay creu que V.

Majesté prenoit, à ouyr dire quelque chose des merites de la Royne, m'a fait quasi oublier mon dernier point, plus important neantmoins que les autres. C'est Sire, l'esperance que nous auons tous que ceste assemblée sera tres-vtille ouy, elle le sera Dieu aydant, car d'un costé elle fera paroistre la sincerité de vos affections vers vostre peuple, & de l'autre remedira (sous vostre auctorité) à quelques desordres qui se sōt glissez dans cest Estat, depuis quelque temps; vostre peuple en sera soulagé, & vostre Noblesse comme nous croyons reprendra sa premiere splendeur, ceste Noblesse autrefois si rele-

uee, maintenant tant abaissée
 par quelques vns de l'ordre in-
 férieur, sous pretexte de quel-
 ques charges; qu'ils apprenent
 que bien que nous soyons tous
 subiects d'un mesme Roy, nous
 ne sommes pas neantmoins,
 tous egallement traictez ils
 verront tantost la difference †
 qu'il y a d'eux à vous ils lever-
 ront & s'en souuiendront s'il
 leur plaist, ceste Noblesse Sire,
 qui est tous les iours prest de ex-
 poser mille vies, si elle les auoit
 pour le seruice de son Prince,
 & qui n'espargnera iamais son
 sang, pour la deffence de sa pa-
 trie, elle seroit beaucoup plus
 aise & se tiendrait plus hono-
 rée, de vous rendre preuue de

*Notez que
 le Gentil-
 homme estoit
 de bout en
 parlant au
 Roy, & le
 Tiers
 Estat, à ge-
 nouil.*

son affection l'espee, en la main
au milieu des hazards, que de
vous rendre ce foible tesmoi-
gnage si cōmun aux autres or-
dres, c'est elle qui par ma bou-
che vous faict nouuel offre de
son cœur, de son courage, de
son zele, de ses biens, de ses ar-
mes de son sang, & de sa
vie, qu'elle croyra tres-digne-
ment employee lors qu'il se
presentera occasion de vous
rendre son deuoir, faisant son
exercice, & le resentimēt quel-
le à de vostre extresme bonté,
augure tres-certain de la felici-
té qui regardelà France.

